

CONVENIO DE COLABORACIÓN ENTRE A CONSELLERÍA DE EMPREGO E IGUALDADE DA XUNTA DE GALICIA E (ENTIDADE SOLICITANTE) PARA A ADHESIÓN Á REDE EUSUMO PARA O FOMENTO DO COOPERATIVISMO E A ECONOMÍA SOCIAL

REUNIDOS

Dunha parte, dona María Jesús Lorenzana Somoza, conselleira de Emprego e Igualdade, en virtude de nomeamento efectuado polo Decreto 112/2020, do 6 de setembro, en representación da Xunta de Galicia, actuando en virtude da competencia atribuída polo artigo 34.1 da Lei 1/83, do 22 de febreiro, da Xunta e da súa presidencia.

Doutra, don/a _____, en representación da _____, facultado/a para a sinatura deste documento en calidade de _____, segundo _____.

Interveñen en función dos seus respectivos cargos e no exercicio das facultades que para convir en nome das entidades que representan teñen conferidas, recoñecéndose mutua e respectivamente competencia e capacidade suficiente para formalizar este convenio de colaboración,

EXPOÑEN

PRIMEIRO.- A Consellería de Emprego e Igualdade é o órgano da Xunta de Galicia a quen lle corresponde a promoción, coordinación, desenvolvemento, control e execución das competencias da Comunidade Autónoma en materia de cooperativismo e economía social, segundo o disposto no Decreto 130/2020, do 17 de setembro, polo que se fixa a estrutura orgánica da Vicepresidencia e das consellerías da Xunta de Galicia, no Decreto 215/2020, do 3 de decembro, polo que se establece a estrutura orgánica da Consellería de Emprego e Igualdade, e na Lei 5/1998, do 18 de decembro, de Cooperativas de Galicia.

SEGUNDO.- No exercicio das competencias autonómicas en materia de promoción do cooperativismo e a economía social aprobouse o Decreto 225/2012, do 15 de novembro, polo que se crea a Rede Eusumo para o fomento do cooperativismo e a economía social e se regula o seu funcionamento. Este decreto establece no seu artigo 13 que a adhesión á rede deberá formalizarse a través de convenio de colaboración suscrito entre a persoa titular da consellería competente en materia de traballo e a persoa que teña a representación da entidade interesada.

A Lei 6/2016, do 4 de maio, da economía social de Galicia, recolle no seu artigo 15 que as actividades de fomento e difusión da economía social de Galicia, impulsaranse especialmente a través da Rede Eusumo para o fomento do cooperativismo e a economía social.

TERCEIRO.- (Entidade solicitante) formulou solicitude de adhesión á Rede Eusumo na que acredita o interese no desenvolvemento do cooperativismo e da economía social, no apoio ao emprendemento ou no desenvolvemento local.

CUARTO.- Por Resolución da Dirección Xeral de Emprego, Traballo Autónomo e Economía Social de de de aprobouse a solicitude formulada por (Entidade solicitante) polo que, consonte o previsto no artigo 13 do referido decreto regulador, procede a súa formalización a través da sinatura deste convenio de colaboración.

Por todo o antedito, formalizan este convenio con arranxo ás seguintes

CLÁUSULAS

PRIMEIRA.- O obxecto deste convenio é establecer as condicións polas que se rexerá a colaboración entre a Consellería de Emprego e Igualdade e (Entidade solicitante) para a adhesión á Rede Eusumo para o fomento do cooperativismo e a economía social.

SEGUNDA.- Esta colaboración axustarase ao previsto no Decreto 225/2012, do 15 de novembro, que resulta de directa aplicación o seu contido en todo o non previsto neste documento.

Nos termos indicados a colaboración levarase a cabo sen contrapartida financeira.

TERCEIRA.- A entidade colaboradora participará activamente no desenvolvemento das actividades de asesoramento, información e formación que se deseñen, sen que por iso se vexan afectadas as súas actividades e funcións propias.

A colaboración poderá alcanzar ao conxunto de actividades indicadas no artigo 4 do referido decreto, así como aquelas outras que resulten precisas para o cumprimento dos obxectivos da Rede Eusumo.

A entidade colaboradora comprométese a prestar o apoio necesario á Dirección Xeral de Emprego, Traballo Autónomo e Economía Social da Consellería de Emprego e Igualdade e ao Consello Galego de Cooperativas, na realización das tarefas de coordinación das diversas actividades que no ámbito onde se desenvolva o servizo poidan ter lugar.

CUARTA.- A entidade colaboradora pon a disposición da Rede Eusumo os seguintes medios e servizos para seren utilizados para o fomento do cooperativismo e a economía social:

- Punto de información.
- Aula formativa.

QUINTA.- As obrigas e vantaxes da entidade colaboradora, así como as condicións de colaboración e de utilización dos medios e servizos postos a disposición da Rede Eusumo, serán as previstas no Decreto 225/2012, do 15 de novembro.

SEXTA.- A Consellería de Emprego e Igualdade promoverá a plena integración na Rede Eusumo da entidade colaboradora e, nese marco, facilitará os medios e recursos dispoñibles para a realización das actividades programadas, nos termos establecidos no Decreto 225/2012, do 15 de novembro.

SÉTIMA.- O seguimento, vixilancia e control da execución deste convenio correspóndelle á Dirección Xeral de Emprego, Traballo Autónomo e Economía Social, a quen se lle facilitará puntualmente toda a información necesaria e que poderá comprobar a súa execución cando estime conveniente. No caso de dúbidas de interpretación ou incumprimento, constituirase unha comisión mixta integrada pola persoa titular da subdirección xeral de Economía Social, ou pola persoa na que este/a delegue, e por un/unha representante da entidade colaboradora, para resolver as cuestións xurdidas.

OITAVA.- A subscrición do presente Convenio non supón relación laboral contractual nin de calquera outro tipo entre os/as profesionais que vaian desenvolver as actividades e a Consellería de Emprego e Igualdade, de tal xeito que non se lle pode esixir a esta responsabilidade ningunha, directa nin subsidiaria, polos actos ou feitos acontecidos no desenvolvemento do mesmo.

NOVENA.- A sinatura deste convenio suporá o consentimento expreso da entidade á Administración para facer públicos os datos referidos ao convenio de conformidade co artigo 15 da Lei 1/2016, do 18 de xaneiro, de transparencia e bo goberno, co artigo 8 da Lei 19/2013, do 9 de decembro, de transparencia, acceso á información pública e bo goberno e co Decreto 126/2006, do 20 de xullo, polo que se regula o rexistro de convenios da Xunta de Galicia.

Os datos persoais recadados en execución deste convenio serán tratados na súa condición de responsable pola Xunta de Galicia-Consellería de Emprego e Igualdade, coas finalidades de tramitar este procedemento, verificar os datos e documentos que a persoa interesada achegue na súa solicitude para comprobar a exactitude destes, levar a cabo as actuacións administrativas que se deriven e informar sobre o estado de tramitación. Así mesmo, os datos persoais incluíranse na Carpeta cidadá de cada persoa interesada para facilitar o acceso á información, tanto persoal como de carácter administrativo.

O tratamento dos datos baséase no cumprimento dunha misión de interese público ou no exercicio de poderes públicos, conforme a normativa recollida en <https://www.xunta.gal/informacion-xeral-proteccion-datos>. Os datos serán comunicados ás administracións públicas no exercicio da súas competencias.

As persoas interesadas poderán solicitar o acceso, rectificación, oposición, limitación, portabilidade e supresión dos seus datos ou retirar, no seu caso, o consentimento outorgado a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en <https://www.xunta.gal/exercicio-de-dereitos>

DÉCIMA.- Este convenio de colaboración ten carácter administrativo, e os seus efectos réxense polo establecido nas súas cláusulas, no Acordo adoptado polo Consello da Xunta de Galicia na súa reunión do 27 de marzo de 1991 e feito público mediante Resolución da Consellería de Economía e Facenda de 8 de abril de 1991, sobre convenios de cooperación con outros entes públicos e de colaboración con particulares; no capítulo VI do título preliminar da Lei 40/2015, de 1 de outubro, de réxime xurídico do sector público; demais normativa xeral que lle sexa de aplicación

e conforme aos principios da Lei 9/2017, do 8 de novembro, de Contratos do Sector Público, aplicándose os principios desta Lei para resolver as dúbidas e lagoas que puidesen presentarse.

DÉCIMO PRIMEIRA .- Este convenio entrará en vigor na data na que estea asinado por ambas partes, e terá unha vixencia de catro anos. Antes da finalización do período de vixencia as partes asinantes poderán acordar unánimemente a súa prórroga por un período de ata catro anos adicionais, ou a súa extinción.

O convenio poderase denunciar pola parte que considere vulnerado o espírito del por incumprimento dalgunha das súas cláusulas. A denuncia deberá efectuarse comunicándolla ás outras partes, mediante escrito fundado e cunha antelación mínima dun mes. Salvo acordo expreso en contrario, deberán finalizar as accións xa iniciadas.

A revogación do recoñecemento como entidade colaboradora da Rede Eusumo, prevista no artigo 15 do referido decreto regulador, levará aparellada a resolución deste convenio.

En proba de conformidade ambas as partes asinan este convenio de forma electrónica.

POLA CONSELLERÍA EMPREGO E IGUALDADE

POLA ENTIDADE

A PERSOA REPRESENTANTE

MARÍA JESÚS LORENZANA SOMOZA